

# **SAWA**



**D  
I  
E  
K  
E  
K  
K  
E  
L  
B  
E  
K**



**NOVEMBER 2019 UITGAVE**



**KERSBOOM  
SAAMTREK**



## **BESTUURSLEDE: STREEK VAALRIVIER**



**VOORSITTER**                    E-pos: Francois.Pretorius@mtn.co.za  
Francois Pretorius              Sel No: 083-2126205



**ONDER-VOORSITTER**            E-pos: leondelport@live.com  
Leon Delpot                    Sel No: 082-7545346



**SEKRETARESSE**                E-pos: Sekretaresse.vaalrivier@hotmail.co.za  
Joey Delpot                    Sel No: 082-5619606



**PENNINGMEESTERES**          E-pos: sawa.vaalpenning@gmail.com  
Elize van der Schyff           Sel No: 072-2059681



**TEGNIESE BEAMPTE**          E-pos: garathferreira@yahoo.com  
Garath Ferreira                Sel No: 083-6469005



**JEUGVERTEEN-  
WOORDIGER**                 E-pos: jacquesvz@enserve.co.za  
Jacques van Zyl               Sel No: 083-5469696



**REDAKSIONEEL**                E-pos: kekkelbek.vaalrivier@gmail.com  
Louisa van Zyl                Sel No: 083-4475784

# **INHOUDSOPGawe**

- ❖ **FOTO'S**
- ❖ **DIE VOORSITTER SE SPREEKBEURT**
- ❖ **DIE ONDER-VOORSITTER SE SINSNEDES/FOTO'S**
- ❖ **DIE SEKRETARESSE SE ONDER ONSIE**
- ❖ **DIE PENNINGMEESTERES SE BYDRAE**
- ❖ **DIE TEGNIESE BEAMPTE SE VOORLEGGING**
- ❖ **DIE REDAKTRISE SE VERSINSELS**
- ❖ **RUIM TYD IN OM DIE KLEIN DINGETJIES TE GENIET**
- ❖ **DIE JEUGVERTEENWOORDIGER SE SPELLEIDING**
- ❖ **FOTO'S**
- ❖ **NUUSBROKKIES**
- ❖ **HUWELIKSHERDENKINGS/V ERJAARDAE/VERLOWING**
- ❖ **BLY OM TE HOOR/JAMMER OM TE HOOR/SKENKINGS**
- ❖ **FOTO'S**
- ❖ **GESONDHEIDSWENKE/KOMBUISWOEMA/KOMBUISWENK**
- ❖ **HOEKIE VIR SENIORS**
- ❖ **LAFENIS TEEN DIE DORS/HITTE**
- ❖ **RESEpte VIR DIE VAKANSIE/NAGEREg**
- ❖ **ADVERTENSIE/FOTO**
- ❖ **ONTWERP 'N BANIER KOMPETISIE**
- ❖ **GROETE TOT VOLGENDE JAAR**



**SAWA Vaalrivier , Kerssaamtrek te Riverside Beach Club, 29 Nov – 1 Des 2019**



# DIE VOORSITTER SE SPREEKBEURT

**H**allo julle,

Baie dankie aan elkeen van julle wat die kamp by Riverside Beach Club bygewoon het. Dit is waarlik 'n baie lekker plekkie om by te kamp. Dit is skoon en baie netjies, tipiese karakteristiek van 'n eienaar wat self sy hand op die plek hou.

Die kosaksie was ongelooflik en dit het daartoe bygedra dat ons 'n stewige bedraggie ingesamel het vir die kas.

Die looitjies het ook besonders goed gedoen. Baie dankie ook aan elkeen wat ons so goed ondersteun het daarvan. Ongelukkig kan ons nie almal wen nie en dan moet ons ook bly wees vir die persoon wat dit gewen het. Baie geluk oom Willie!

Die gees wat daar geheers het oor die naweek was baie positief en dit is sommer aansteeklik. Dit is sowaar 'n riem onder die hart as elke liewe lid by die straatbraai opdaag. Selfs díe wat reeds gebraai het vroeër die middag. Dit gee my die gevoel van samehorigheid, asof ons almal is waar ons wíl wees, nie omdat ons daar móet wees nie. As dit die kern van ons mense is wat saam kamp is ons verseker van 'n rooskleurige toekoms waar ons weer kan begin groei sonder om nommers na te jaag. Ek kamp eerder met minder mense wat in liefde saamwerk as baie wat heeltyd stry, baklei en fout vind met alles. Die Bybel sê nie verniet dat die liefde alles bedek nie.

Julle moet 'n aangename tyd hê oor die feesseisoen, maar wag, daar kom meer! Hou julle e-posse dop vir 'n spesiale e-pos.....

Francois



## DIE ONDER- VOORSITTER SE SINSNEDES

Die kampeerders het Vrydag deur die dag so stadig maar seker hul opwagting gemaak en hulle staan gekry vir n baie opwindende Kersnaweek wat voorgelê het. Die naweek het afgeskop met 'n lekker ete van kerrie en rys wat deur "master chefs" Johan en Elize, voorberei is en Tannie Louisa wat die nodige piesangslaai en lekkernye voorsien het. Daarna het die kampeerders maar in groepies gekuier totdat almal tot ruste gekom het.

Saterdagoggend na boekvat en lootjies uitneem het almal bymekaargekom met kinders wat elkeen n klein geskenkie van SAWA Vaalrivier ontvang het en 'n groot bak lekkers was voorgesit (dit was tog immers eintlik die kinders se naweek). Later die middag het die kinders weer by mekaargekom om Kersvader te gaan ontmoet en 'n groot bad vol koeldrank was beskikbaar vir oud en jonk om te geniet.

Die kinders is, soos vorige jare, af rivier toe om vir Kersvader te ontmoet en groot was die teleurstelling toe Kersvader se boot daar is maar geen Kersvader. By verdere ondersoek is toe bepaal hy het 'n maatjie se fiets geleen en die kamp gaan verken. Gelukkig het Kersvader se sak 'n gat in gehad en die lekkers het verloor soos hy met die fiets gery het. Die kinders het toe die "sweets trail" gevolg en Kersvader op n eiland in die kamp gekry waar hy onder 'n boom gelê en slaap het. Met 'n groot gesukkel het hulle hom wakker gekry en teruggelei na sy boot aangesien hy einlik verdwaal het. By die boot aangekom het elke kind 'n pakkie lekkers en 'n geskenk ontvang. Daarna het Kersvader weer op sy boot vertrek na die Riviera toe waar ander maatjies op hom gewag het.

Saterdagaand is die vyf-man straatbraaivuur aangestEEK (dit vat vyf manne om twee vure te begin) waarna al die kampeerders saam kom braai het. Weer eens was al die kampeerders daar, wat besonder goeie gees toon in SAWA Vaalrivier en ons hoop om hierop voort te bou. Die bestuur se dames het stil-stil ingespring en alle bykosse voorsien wat terdeë geniet is en waardeer word. Kyk in hierdie

Kekkelbek vir van die lekker resepte wat gemaak was. Die kampeerdeurs het tot laataand gekuier by die straatbraai en land en sand gesels en idees uitgeruil.

Na Sondagoggend se kerkdiens het die bestuur se dames weer betekenis aan Voorsitterste gegee deur “cup cakes”, koffie en koeldrank vir almal aan te bied. Toe word daar weer lekker saam gekuier onder die koeltebome totdat dit huis toe gaan tyd was.

Dit was die laaste saamtrek vir 2019. Nog n jaar is verby en daar was goeie tye en swaar tye vir sommige lede.

Ek wens alle lede ‘n Geseënde Kersfees en voorspoedige Nuwejaar toe en mag 2020 net vreugde en voorspoed vir al ons Sawa-lede inhoud. Geseënd en Voorspoed tot ons volgende kamp by Umfula 24-26 Januarie 2020.

**LEON**



**Kyk hoe  
lekker  
slaap  
Kersvader**



Kersvader  
en die  
kinders op  
pad om  
die  
geskenke  
te gaan  
kry



## DIE SEKRETARESSE SE ONDER ONSIE

Liewe Sawa-vriende,

Baie dankie dat julle saam met ons die afgelope naweek gekamp het, dit was weer eens 'n eer vir my om saam met julle te kon kuier. Elke dag is per slot van sake 'n geskenk van Bo.

Daarmee wil ek ook net sê: as julle nie kom kamp nie, beteken ons as bestuur niks nie. Jy kan tog nie 'n motor bestuur as jy nie een het nie. Julle is ons "Fortuners, Toyotas en ......."

Ek glo julle sal met my saamstem dat al die kindertjies die naweek geniet het. Dit was vir my so lekker om elke kindjie se entoesiasme te sien rondom Kersvader.

So is my wens dan vir elkeen van julle hierdie Kersseisoen: Entoesiasme soos hierdie kindertjies oor onse Liewe Jesus wat gebore is vir ONS.

Geseënde Kersfees en sien julle volgende jaar.



*Joey*



## DIE PENNINGMEESTERES SE BYDRAE



Goeiedag SAWA-vriende,

Uit die penningmeesteres se oog en opsommings was dit n baie goeie opkoms met 14 karavane in totaal vir die naweek, 30 volwassenes en 7 kinders wat as lede saam gekamp het. Ons het ook besoekers gehad, wat die Saterdag kom kuier en lekker saam gebraai het.

Die opkoms het vir Riverside Beach Club 'n stewige R7 210,00 in die sak gebring.

Lede het vir Vrydagaand se kosaksie 'n ronde R1 050,00 in die geldkas geploeg.

**Inkomste uit Plaatjies was R280,00 en uit Lootjies R660,00.**

**Skenkings ontvang vir Kersgeskenkies was R510,00.**

**Kerkkollekte het R320,00 beloop.**

**En laaste maar nie die minste nie, het ons die prediker vir Sondag R300,00 betaal.**

**Ek glo en vertrou dat ons in die toekoms nog net so mooi en lekker sal saamwerk.**

**Dankie aan al die lede se betrokkenheid en bydrae in alle opsigte. Dit word opreg waardeer.**

*Elize*



## **DIE TEGNIESE BEAMPTE SE VOORLEGGING**



Sawa-vriende,

Daar was 100% bywoningsplaatjies vir 2019 uitstaande wat hierdie naweek aan hul eienaars oorhandig kon word. Die volgende persone het hul plaatjies ontvang:



Garath Ferreira. Garath het ook die plaatjie van Eugéne en Beverley Ferreira namens hulle ontvang



Anton en Joey Delpert



Jacques en Lizelle van Zyl



Leon Delpert

Groete tot volgende jaar,

*Garath*



## DIE REDAKTRISE SE VERSINSELS



Ons leserskring,

Mens kan nie glo die jaar lê so te sê op sy rug nie né. Maar daar is darem goeie nuus ook. Die vakansieseisoen skop af en daar is seker heelwat van julle wat met verlof gaan. Indien julle met Jan Tuisbly se karretjie gaan vakansie hou, dit kan ook lekker wees, ons moet net die beste daarvan maak.

Julle sal opmerk daar is 'n nuwe rubriek in hierdie Kekkelbek, genaamd Nuusbrokkies. Ek wil vra dat julle nuusberiggies deurgee van wel en wee wat oor jul pad kom sodat ons dit met julle kan deel. Kommunikasie in ons streek is belangrik en hoe meer ons met mekaar kan deel, hoe lekkerder kan ons saamkuier. Die bestuur se kontakbesonderhede verskyn

voor in die Kekkelbek, kontak ons asseblief oor eniglets wat julle graag wil deel, oor jul kinders, kleinkinders, enige gebeure, wat ook al.

'n Verrassing word vir julle beplan!! Ek gaan nou niks uitblaker nie, dan is dit mos nie meer 'n verrassing nie. Maar hou jul selfone en e-posse dop so 'n paar dae voor Kersdag. Julle sal nie spyt wees nie.

Groete tot volgende keer.  
Geniet jul welverdiende  
vakansie.

Louise



"Kom na My toe,  
almal wat uitgeput  
en oorlaai is, en  
*Ek sal julle rus gee.*

Mattheus 11:28

**RUIM TYD IN OM  
DIE KLEIN  
DINGETJIES TE  
GENIET**



**Aangesien ons almal so besig en gejaagd is, huis hierdie tyd van die jaar waar alles afgehandel moet word, het die volgende gedeelte betrekking op die meeste van ons.**

Groot dele van die wêreld is haastig, altyd aan die jaag; tog weet min mense waarheen hulle op pad is in die lewe. Mense jaag om by nog 'n geleentheid uit te kom wat vir hulle niks beteken nie of wat hulle nie eens regtig wil bywoon nie. Ons jaag so, ons kom uiteindelik by 'n punt waar ons nie stadiger kán leef nie.

Om te jaag, keer dat jy vrede in jou lewe het. Die lewe is te kosbaar om daardeur te jaag. Soms vlieg 'n dag net eenvoudig verby, aan die einde daarvan weet jy jy was heeldag vreeslik besig maar kan nie regtig onthou dat jy veel, indien eniglets, daarvan geniet het nie. Leer om dinge volgens God se ritme te doen, nie volgens die wêreld se pas nie.

Jesus was nooit haastig toe Hy hier op aarde was nie en God is hoegenaamd nie nou haastig nie. Prediker 3:1 sê: 'ALLES het sy bepaalde uur en vir elke saak onder die hemel is daar 'n tyd.' Ons moet elke ding in ons lewens sy vaste tyd laat hê en besef ons kan

die uur wat ons nou beleef, geniet sonder om na die volgende een toe te jaag. God het vir ons die lewe as 'n geskenk gegee en watter jammerte is dit nie dat ons net deur elke dag jaag en nooit tyd maak om die klein dingetjies te waardeer nie.

Is jy haastig? As jy in vrede met jouself wil saamleef, moet jy ophou om heeltyd rond te jaag. Vertrou God om jou die genade, energie en tyd te gee om alles te doen wat jy moet teen 'n pas wat jou toelaat om die reis te geniet.

(*Hierdie gedeelte is aangehaal uit 'Vertrou God dag vir dag' deur Joyce Meyer*).



## DIE JEUGVERTEENWOORDIGER SE SPELLEIDING

Hallo aan al ons SAWA-maatjies,

En so het Vrydagoggend aangebreek en het ons een-vir-een by Riverside Beach Club opgedaan vir 'n heerlike, opwindende naweek (party van ons met minder moeite as ander.....)

Vrydagaand was lekker rustig en almal kon op hulle tyd opslaan en begin kuier rondom die Kerrie en rys wat by die kosaksie voorgesit is.

Saterdagoggend het die SAWA-maatjies na betaaltyd elkeen 'n ietsie kleins ontvang om die Kersfeesgees bietjie aan te wakker..... en dit was ook nie baie lank daarna nie toe die tyd aanbreek vir Kersvader om die maatjies se geskenke waarvoor hulle nie meer kon wag nie, te kom uitdeel.

Al die kinders het reguit rivier toe gehardloop met die denke dat Kersvader hierdie jaar weer op die boot sou arriveer.... Die verbasing op die maatjies se gesigte was duidelik sigbaar toe hulle sien dat Kersvader nêrens te sien was nie. So het hulle deur die kamp begin soek en het hulle vir Kersvader vas aan die slaap onder 'n boom op 'n eiland gekry. Hulle het hom teruggesleep na sy boot toe waar al die geskenke gelê en wag het vir al die maatjies. Kersvader het toe al die geskenke

uitgedeel saam met heerlike lekkergoedpakkies en koeldranke. Daarna moes hy vinnig vertrek na sy volgende bestemming en is hy op sy boot met die rivier op.

Al die maatjies was baie opgewonde oor die geskenke wat hulle gekry het en het sommer dadelik met dit begin speel. Lyk tog of Kersvader presies geweet het wat elke maatjie gesoek het vir Kersfees.


Saterdagaand het ons almal lekker om die kampbraaiers gekuier en van die maatjies het sommer vroeg al gaan inkruip na die opwindende dag wat hulle heeltemal uitgeput het.

Sondagogend was dit kerk en Voorsitterstee waarna almal weer heerlik aan die gebak en koeldranke gesmul het. Daarna het almal stadig begin oppak en party van ons het nog eers gou 'n laaste swem gevat net om 'n bietjie af te koel in die hitte voordat ons die pad huis toe gevat het.

Dit was voorwaar 'n heerlike naweek en ons sien uit na die volgende kamp by Umfula in Januarie 2020. Geseënde Kersfees en Voorspoed vir die nuwe jaar vir al ons maatjies. Gaan hou lekker vakansie en ons hoop om julle almal weer volgende jaar te sien.

*JACQUES*

**Maats, voltooi die prentjie hieronder deur die nommers vanf 1 tot 120 met mekaar te verbind en daarna in te kleur**



© www.WitKleur.com





**Uiteindelik is Kersvader wakker en op pad na sy boot toe**





Kersvader deel geskenke uit en ry weg na die Riviera om verder te werk





# NUUSBROKKIES

Dis tyd om so 'n bietjie meer van ons Vaalrivierlede se doen en late, vreugde, hartseer, prestasies, ensovoorts, uit te vind. Enigiets wat vir julle van belang is, wil ons ook graag van hoor. Hier volg so 'n paar gebeurtenisse wat ons graag met almal wil deel.



Dit is Braydon. Hy is die agterkleinseun van Johan en Elize van der Schyff. Hy is op 12 November 2019 gebore. Tydens die geboorte het hy, as gevolg van nataligheid, nie voldoende suurstof gekry nie en was vir 'n geruime tyd in Intensiewe Sorg. Braydon het derhalwe breinskade opgedoen. Hy is onder behandeling by 'n spraakterapeut, fisioterapeut en pediater. Deur gebed en genade glo ons dat hy sal genees. Baie sterkte aan julle. Baie geluk ook met jul eerste agterkleinseun.



Dit is Evan en Oupa Leon. Hy is op 11 November 2019 gebore. Hy gaan by SAWA Vaalrivier grootword. Baie geluk aan Oupa Leon. Dis sy eerste kleinkind.

Baie geluk ook aan Bijanka en Renier met so 'n pragtige seun.



Links is Joey in Florence tydens hul toer in die buiteland.

Regs is Joey en Anton besig om die naglewe in Boedapest te geniet.



Wihan van Zyl is nou klaar met die dinge van 'n laerskoolkind en gaan 2020 die hoëskool aandurf. Baie voorspoed en geluk vir die pad vorentoe.



Die twee nefies, Gustav en Zander van Zyl, het nou Graad R kafgedraf en gaan volgende jaar Graad 1 aanvat. Hulle gaan na dieselfde skool toe, maar beslis in verskillende klasse (vir die skool se veiligheid). Baie geluk julle twee manne! Nou begin die groot skool. Julle moet dit geniet, dis 'n lang pad wat wag.



# NUUSBROKKIES

## (VERVOLG)



Richard en Christa Chapman se hondedogtertjie, Dee, het die naweek saam kom kamp. Dee se sussie is verlede week oorlede en sy treur baie oor haar sussie. Sy kon toe nie alleen by die huis bly nie en hulle moes óf by die huis bly en nie kom kamp nie óf hulle moes haar saambring, laasgenoemde waarop hulle toe besluit het. Sy was so stil en soet, niemand het eers geweet sy is daar nie totdat die oord se bestuurderes haar opgemerk het. Richard is toe aangesê om haar uit die kamp te neem of om op te pak. Maar ons het gou 'n plan gemaak. Francois het die situasie aan die bestuurderes gaan oordra en met sy sjarme(!!) haar oortuig dat hulle nie hoef uit te gaan nie. Dankie Francois en dankie Richard en Christa dat julle die saak so goed hanteer het.



Daar was hierdie naweek net nie 'n einde aan opwinding nie. Jacques van Zyl se motor het op pad na Riverside Beach Club besluit hy wil nie die naweek saamkamp nie en daar breek die waaierband. Gelukkig was Garath daar, ons eie werkligkundige, dankie tog. Saterdagoggend is 'n nuwe waaierband gekoop en sommer gou-gou is die stukkende een vervang. Dis darem handig om sulke vaardige manne op saamtrekke te hê.



Hier is nou nuus wat julle nie verwag het nie (daarvan is ek seker)!!! Die Kekkelbek het intussen 'n dogtertjie ryker geword. Haar naam is Skinderbekkie. Sy gaan van volgende jaar af haar mamma help om nuus te versamel. So hou maar jul oë oop, sy sal tussen die SAWA-lede rondbeweeg en interessante gebeurtenisse aan haar mamma oordra.



Ons wens graag vir al die skoliere en studente voorspoed toe met die eksamen uitslae. Mag jul hoogste verwagtinge oortref word en julle uitstekende uitslae ontvang.

En mag volgende jaar net vreugde en voorspoed vir julle inhoud.

# HUWELIKSHERDENKINGS



Francois & Dot Pretorius	05 Des
Johan & Eize v d Spuy	06 Des
Richard & Christa Chapman	10 Des
Frans & Annatjie Kloppers	31 Jan

# VERJAARDAE



Duandré Kloppers	01 Des
Francois Kloppers	06 Des
Elize van Rooyen	08 Des
Louise van Zyl	09 Des
Leandi van Zyl	11 Des
Kobus Kamffer	14 Des
Carine van In	16 Des
Rian van Zyl	28 Des
Eugene Ferreira	04 Jan
Hannes Coetzer	07 Jan
Wihan van Zyl	15 Jan
Willie van Zyl	17 Jan
Marcel van In	23 Jan
Hanno Kukard	27 Jan

**VERLOWING !!** Ons het BAIE GROOT nuus!! Alexander (seun van Zandry en Elize van Rooyen) en Margaret het verloof geraak. Baie geluk julle, mag daar net geluk en liefde op julle wag.





## BLY OM TE HOOR

- Christa Chapman het die looitjie vir die vark gewen. Christa, baie geluk. Laat weet as ons moet kom help eet aan daardie varkie



## JAMMER OM TE HOOR

Hierdie keer is ons nie so gelukkig om geen olikes te hê nie

- Chantell van Zyl het die ligament in haar knie geskeur en is die afgelope week geopereer. Sy is nie baie aktief op hierdie stadium nie. Sterkte Chantell (en Rian).
- Leon Delpot het ook onder die mes deurgeloop. Leon , laat jy jou so bietjie-bietjie mooier maak? Sterkte ook vir jou.



## SKENKINGS



Francois, Joey en Elize het hondekos by die Vereeniging DBV gaan aflewer.  
'n Spesiale dankie aan Beverley Ferreira wie hierdie projek inisieer het.



Ons eie Master Chef, Johan, maak Vrydagaand se kerrie en rys



Saterdagoggend: ontbyt by die Master Chef se woonwa



Saterdagoggend: betaaltyd en Lootjies uitneem



Saterdag laatmiddag: almal lyk gereed om te braai (??)



Braaityd



Die vleis en stampmeliert is op die vuur



**Van die bykosse staan gereed.**



**Opskeptyd**



**Nog net bykosse, die vleis moet nog bykom. En tuisgebakte brood!!**



**Die veis is gaar!! (Die brood is al halfpad opgeëet!)**



**Klaar geëet, tyd om rustig te ontspan. Gaan iemand dalk koffie maak?**



**Sondagoggend se erediens onder die koeltebome.**



**Die bestuur was die naweek se kampkommandante.**




**Die vier dames wat die kakebene aan die kou gehou het deur die naweek. Leon het aan elke dame 'n geskenkje oorhandig om dankie te sê vir al die eetgoed**



**Die laaste eetgoedjies om 'n baie lekker naweek mee af te sluit.**

# GESONDHEIDSWENKE



## KOMBUISWOEMA

Melktertjies!

Bottel vodka, 2 blikke kondensmelk, 2 blikke ideal melk, gooi in shooter glasie, Sprinkel met kaneel en geniet oor en oor en oor!



## KOMBUISWENK



Maak jou mikrogolf skoon deur vier eetlepels suurlemoensap en 'n koppie water in 'n mikrogolfbakkie te gooi. Sit dit vir vyf minute op hoog in die mikrogolf, laat die stoom binne die oond kondenseer en vee dit dan skoon met 'n sagte lap.

# **HOEKIE VIR SENIORS**

**DIS VAKANSIETYD!!! ONS GAAN VAKANSIE HOU!!!**



**Pensionarisbraai.**

## LAFENIS TEEN DIE DORS



### Christmas Punch

**2 cups orange juice  
2 cups cranberry juice  
1 cup pineapple juice  
1 cup Ginger Ale**

**3 STEP Simply HOLIDAY SANGRIA**

**INGREDIENTS:**

- 1 bottle dry white wine
- 6 oz Simply Cranberry Cocktail®
- 6 oz Simply Apple®
- 1 apple thinly sliced
- 1/2 cup fresh cranberries
- 1 rosemary sprig
- 12 oz club soda

**Simply Cranberry** **Simply Apple**



### Santa's Little Ho Ho

**1 Bottle Champagne  
1 Bottle Ginger Ale - Chilled  
10 oz Fresh Frozen Strawberries  
pinch of cinnamon**

#### DIRECTIONS

In a large punch bowl combine champagne, ginger ale, and strawberries. Gently stir and serve.



Lafenis teen die hitte

# Resepte vir die Vakansie

**WORSGEBAK:** Hou kinders se magies vall Meng 1 k melk, 1 k water, 4 eiers, 1 t sout en 2 k meel. Skep in 'n gesmeerde oondbestande bak. Sny 500 g **Simply Chicken**-weensteworsies op en pak eweredig op die mengsel. Bak by 200 °C vir 35 minute tot goudbruin. Dit is heerlik saam met groente of salat.



## 16. Stampmiele-Gereg

Oond 180 gr C. Braai 1 gekapte ui, 1 pakkie sampioene, gesny, 1 groenpepper, gesny, en 1 pakkie bacon, kleiner gesny, in bietjie olie. Sprinkel 1 pakkie sampioen-soppoer/bruin uiesop-poeter bo-oor. Rzer deur en voeg 2 k gaar stampmielies en 250 ml room en 1 k gerasperde kaas. Skep in diep oorbak en sprinkel nog gerasperde kaas bo-oor. Bak to goudbruin...so 45 minute.

RNL

See Translation:



## Nagereg

Poeding...??? Muffinmix sjp poeding:

Martie deel die maklike maar tog tippie tong lekker poeding met ons... Bedien met roomys of vla! Heenk!

Neem een pakkie sjoksoade muffinmix maak aan soos op pakkie goot in vierkantige bak en bak tot gaar.

Kook 2 kopjes suiker, 1 kopje water, 2 E kakaopoeder, tot suiker oppeloos haal van stoelplaat af en voel lepel margannie en 1 teeklepel vanilja in en gooi nof poeding as dit uit die oond kom!

\* Martie Bekker via Facebook Boenkos Kookangstel\*  
<http://boenkos.com>



### The Perfect Chocolatini

3 oz Bailey's Irish Cream  
1 oz Vodka  
2 oz Chocolate Liqueur



# GIBBON GROUP SA

TEL: (016) 981 9500

EMAIL: gibbongroupsa@gmail.com

WEBSITE: www.gibbongroupsa.com

5 Nikkel Str, CE6, Vanderbijlpark 1911

Spares, repairs & services.

**Baie dankie aan Sydney van Gibbon Group SA wat die windskerm aan ons geskenk het.**



**Willie van Zyl was die gelukkige wenner van die windskerm. 'n Fantastiese Kersgeskenk!!**

## ONTWERP 'N BANIER KOMPETISIE

Hieronder links is 'n foto van ons huidige Vaalrivier banier. Dit is taamlik gehawend en daarom is dit tyd om 'n nuwe banier te ontwerp. Ons het besluit om die ontwerp van 'n banier aan ons lede oop te stel vir voorlegging van ontwerpe. Jul ontwerpe moet asseblief na die **Sekretaresse per e-pos gestuur word voor of op 20 Januarie 2020 om 12:00**. Daar sal 'n beoordeling plaasvind en die persoon wie se ontwerp aanvaar word, sal 'n gratis saamtreknaweek te Bloekompoort, 20-22 Maart 2020, wen. Die baniere hieronder is van ander streke net om vir julle te help met idees. Kom neem deel en laat ons 'n uitstaande banier ontwerp. Dit is belangrik dat die SAWA embleem (regs) op die ontwerp verskyn.



# VAALRIVIER SAAMTREKKE IN 2020



Ons eerste drie saamtrekke in 2020 is soos volg:

DATUM	OORD	KAMPKOMMANDANTE
24-26 Januarie	Umfula, Parys	Johan & Elize van der Schyff
21-23 Februarie	Sionsbergh, Heidelberg	Jacques & Sonja Roux
20-22 Maart	Bloekompoort, Vereeniging	Richard & Christa Chapman

*Teken hierdie datums sommer dadelik in jul 2020 dagboeke aan dat julle nie die saamtrekke misloop nie.*

**Mag ons elkeen 'n veilige en prettige  
reis hê deur hierdie pragtige nuwe  
maand wat die Here weer vir ons  
oopgerol het.**



**GENIET JUL VAKANSIE. RY EN SLEEP VEILIG.  
ONS SIEN MEKAAR WEER IN  
2020**

